



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Veri & Pii Sacerdotis Idea Seu Vita R. D. Iacobi  
Merlo-Horstii, Pastoris B. Mariæ Virginis In Pascvlo  
Coloniæ, SS. Theol. Licent.**

**Crombach, Hermann**

**Coloniæ, 1645**

Caput 3. Vndecennis humaniores literas in Gymnasio trium Coronarum  
apud Patres Societatis Iesu discit. 5

**urn:nbn:de:hbz:466:1-14591**

## C A P V T III

Vndecennis Humaniores Litteras in Gymnasio  
trium Coronarum apud Patres Socie-  
tatis Iesu discit.

**S**ortitus erat cum Salomone animam  
bonam, & ingenitam Sapientiae cupi-  
ditatem, *qua facile videtur ab his, qui diligunt* *Sap. 6.*  
*eam, & inuenitur ab his, qui querunt illam, Cupido*  
*preoccupat qui se concupiscunt, vt illis se prior* *Sapientia.*  
ostendat. Agrum habebat mentis non pra-  
uarum cupiditatum lolijs obsitum, neq;  
vitiolorum sentibus horridum; sed vomere  
seuerioris disciplinae bene subactum;  
purum, mollem ad sementem sapientiae  
recipiendam aptissimum, terram certe  
bonam, quae foenore perpetuo si non  
centesimas, certe sexagesimas duceret.  
Testem huius illius fructus & ardoris ac-  
quirendae sapientiae religiosissimum ha-  
beo Praeceptorem eiusdem R. P. Adamum  
Casen Soc. Iesu nunc Studiorum Regen-  
tem, quo Magistro Iacobus vsus est qua-  
driennio, dum politiori studeret littera-  
turae, is velut in imagine sic eius mores &  
indolem repraesentat.

[Fuit D. Iacobus, meus in Gymnasio

*Testimo-  
nium Prae-  
trium ceptoris.*

A 3

trium



trium Coronarum Societatis Iesu Coloniae discipulus annis plus minus quatuor, nimirum ab A. 1608. vsq; ad annum 1612. in Grammaticis & Poëtica, quibus in scholis & annis quomodo se habuerit, probè memini, quando pueri vultus, habitus, mores & indoles animo meo velut praesentia nunc etiam obuersantur. Adolescentulus erat intra decimum quartum

*Exterior  
cōpositio.*

quintumve ætatis annum, exterius ad omnem honestatem compositus, interius animo totus sedatus, in quo nil perturbationis omnino, nullus inordinatus motus, & quod de Tobia c. i. legimus, *nihil puerile*

*Gestus  
corporis.*

*in opere* appareret. E vultu, motu, gestuq; corporis & actione, modestia, verecundia, probitas & ingenuitas elucebat; nec tamen affectata vanè, vel aucupandę gratiæ studio quæsita, sed ex optima indole promanans, & ingenita naturæ seriatim

*Pietas.*

confirmata. Pietate erga Deum, Sanctosq; reuerentia, erga Præceptores obseruantia nulli secundus erat; labore magis & studio diligentiaque, quàm ingenio, primos æquabat scholæ. Nihil in eo

*Studium*

Professor, nihil discipuli desiderabant, ne-

ne-



nedum culparet quispiam. Scio Iacobum in scholis offendisse neminem, sapius me recolo peroptasse similes illi discipulos omnes; quamuis in tanta frequentia diuina bonitas non paucos excitaret, qui pari passu Iacobi virtutem aut æmularentur, aut etiam consequerentur.

Vnum in eo præcipuum obseruaui. Sic *Attentio*  
 ore Præceptoris pependisse, sic velut a *ad dicta*  
 ptem argumentosam libasse verba singu- *professoris*  
 la, collegisse sedulò, vt quidquid ad litteras, eruditionem, disciplinasq; capescendas idoneum, vel ad virtutem homine Christiano dignam excolendam vtile produceretur in medium, id animo totum cõplecteretur, & referret in Cõmentarios. Hinc ista manasse videntur totius eruditionis, omnisq; litteraturę copiosa aduersaria. Secutus hoc ipso tempore Ecclesiastici monitum: *Ne defrauderis à die bono. & ne particula boni doni te prætereat.* *Eccl. 44* Hactenus Magister eius.

Eodem tempore nomen Angelicæ *Fit Sodalitati*  
 dalitati dedit, vt facilius cœlestibus his *lis Angelicis*  
 toribus & præsidibus innocentia casti- *licus*  
 tasque, quibus Angelis esse similis desiderat.



derabat, maneret integra, cultor item Deiparæ Virginis & S. Ursulæ præcipuus: inde profluxit ei consuetudo quotidie sub noctem conscientiam discutiendi, quot hebdomadis maculas conscientie eluendi, mensam Dominicam frequentandi, Deiparam Rosarij recitatione quotidie honorandi. Sic diuina naturalibus medijs adiungendo, capacem animum reddidit, sapientiam complectendi.

#### C A P V T IV.

*Anno 1612. transfertur ad Montanum Gymnasium, & Philosophiæ nauat operam.*

**P**rogressum in humanioribus litteris non nihil sufflaminauit, vt ipse sibi persuadebat, Scholæ Professorumque mutatio: imò profuit: dum sic alijs etiam virtutis & diligentie prælucet exemplo. Causas aperit Magister eius Adamus Casen. [Adolescens Rhetoricam auspicatus non sua voluntate, sed auunculi imperio è Gymnasio Coronarum transijt ad Gymnasium Montanorum, quod inter vrbis tria reliqua vetustissimum est, vt in eo Philosophicis disciplinis imbutus & Magistri titulo decoratus bonas litteras profite-